

廣
瘟
疫
論

廣瘟疫論卷之三

裏證

煩躁

煩乃心煩。情思不定。神不安而形如故。躁則形復揚。手擲足形不寧而神復亂。煩輕而躁重也。在他證有謂煩屬心躁屬腎者。煩屬陽躁屬陰者。在時疫總屬鬱熱。熱淺在上則見煩躁之形。熱深在下則漸近昏沉而不煩躁。是時疫初起可卽煩躁之輕重辨病勢傳變之輕重。不煩躁則非時疫。設氣色神脉舌苔有時疫確據亦屬但表不裏之輕證。凡初起憎寒發熱而煩躁者邪在半表半裏。三消飲九

味羌活湯六神通解散選用隆冬寒甚汗難出者大青龍湯歲寒湯可借用舌苔已黃渴而喜飲身熱汗出而煩躁者邪入於胃也白虎黃芩三承氣小陷胸三黃瀉心涼膈散選用舌苔已黑煩躁漸近昏沉者邪入心包也犀角地黃湯加羚羊角黃連解毒湯選用屢經汗下清涼表裏俱無阻滯而煩躁者陰液傷也生脉散大味地黃湯吳氏諸養榮湯選用或用汗解清利滋潤諸法不應而煩躁加甚者當細驗舌苔若黃黑苔中夾一塊白潤是爲夾水或平素胸有痰飲或未病之先曾飲冷物或初煩躁時過飲冷水恣啖涼物或用清涼太早皆能停飲於胸膈胃脘之間

寒飲。其痰熱外不能達表。內不能傳胃。故煩躁轉甚。驗舌之後。更細按胸脇滿痛而軟漉漉有聲。再細察其脉。右寸關或絃緊或緩。皆停水確據。當以蒼朮半夏萊菔厚朴。先消其水氣。然後治其煩躁。無不應者。不論舌苔有無黃黑。但煩躁而兼小便不利者。雖無水氣在胸脇而少腹略有滿痛處。卽當以導赤散。渴心湯。四苓湯。猪苓湯。益元散。利其小便。所謂心邪不從心瀉而從小腸瀉也。

嘔

吳又可曰。時疫有始終能食者。邪不傳胃也。慎勿絕其飲食。此不嘔者也。愚嘗見時疫初起未發熱時。表證未見有

先作嘔數日者。此疫邪先犯太陰。當辨其口氣。無臭氣而
不粘者。屬太陰寒證。有臭氣粘厚者。屬太陰疫證。此爲先
裏而後表。不可遽用清涼。閉遏邪氣。致使不能透達。傳化
雖四肢有時厥逆。脉有時沉伏。亦不可用溫熱。致增嘔證。
甚有舌紫昏沉者。惟當宣其胃氣。藿香正氣散最宜。若已
發熱而嘔者。吳氏達原飲加半夏。兼三陽表證。加羌活葛
根柴胡。若嘔而煩渴。身熱而不惡寒者。邪在陽明也。白虎
湯黃芩湯並加半夏。若嘔而舌黃。胸中有滿痛處。橘皮半
夏湯加枳實。山查麥芽川貝。貝母力緩。用至五錢。或一兩。
乃能舒鬱散結。若嘔而舌黃。心下膈上有滿痛拒按者。大

柴胡湯。若嘔而舌黃或黑。少腹有滿痛拒按。當視其前後
何部不利。大便不利。調胃承氣湯。小便不利。四苓加木通。
或益元散利之。則愈。寒熱已解。二便通利。胸腹無滯而嘔
不止者。餘熱在胃也。竹葉石膏湯。屢經清下。嘔不止。而舌
無苔。多汗心悸。痿倦者。中氣傷也。大半夏湯。或六君子湯。
加白朮。屢經清下。倦怠異常。四肢漸冷者。乃清下太過而
中寒也。理中湯。甚至加附子。然此爲治藥之法。非治疫之
法也。宜詳察之。

欬

欬者。疫邪夾他邪干肺也。有初起在表夾風邪干肺者。脉

兼浮。欬多痰沫。必兼鼻鳴。自汗。灑淅惡寒。於透表諸方中。
加前胡。桔梗。蘇子。杏仁。淡豉。有夾水。干肺者。不論表裏。脉
必兼緩。欬必多清痰。兼舌白。心悸胸滿。或嘔或吞酸。於表
裏藥中。加桑皮。半夏。茯苓。川貝。母。萊菔子。有疫熱。傳裏。燥
火熏肺者。脉必數。欬必無痰。有痰亦難出。而咽痛。於裏藥
中。加花粉。黃芩。川貝。萸仁。有病後陰傷。肺燥者。脉必濇。欬
必無力。舌必赤。而無苔。吳氏清燥養榮湯。加麥冬。元參。知
母。貝母。有屢經汗下。或平素陰虛。腎氣上逆者。欬必兼上
氣。顫必時赤。足膝必清。痰脉必散。六味加枸杞。五味。牛膝。
疫邪兼欬者。少。卽有之。亦非大有關係之證。宜以病之表。

裏大勢爲主。加治藥於本方療之。

渴

渴乃熱象。時疫爲熱證。而有不渴者。蓋初起溼熱相兼。爲蒸氣熱未勝溼。則鬱悶心煩而不渴。熱已大盛。在經而不渴。在胃則煩燥身熱而不渴。在下而不在上。則燥結而不渴。在血分不在氣分。則昏沉而不渴。疫邪初從太陰發者。胸腹滿嘔而不渴。此外無有不渴者矣。初起在表。發熱頭痛。舌白而渴。脉必不浮不沉而數。六神通解散。加石膏葛根。或九味羌活湯。加石膏葛根。半表半裏。口苦咽乾。目脹而渴。脉必數。小柴胡湯。加花粉知母。或亦加石膏。或達原飲。

加石膏葛根邪已入胃作渴身熱自汗舌現黃苔或醬色或黑燥當察其胸脇少腹按之無痛處而渴者爲有熱無結脉必洪宜白虎湯按之有痛處爲有結痛在心下脉必滑大關上尤甚小陷胸湯在臍上及當臍關中脉必滑大小承氣湯在臍下尺中脉必滑大調胃承氣湯心下至少腹俱痛寸關尺必皆滑大大承氣湯痛在左脇不可按左關脉必弦或滑或芤桃仁承氣湯痛在右脇不可按右關脉必弦或滑或遲十棗湯渴而小便不利少腹不可按尺脉必數四苓散猪苓湯六一散汗下後身熱已除而渴不止餘邪未盡也宜將前所用藥再作小劑以利之屢

經汗下。渴而舌上無苔。胸腹無滿痛。心悸而煩。脈虛細。或浮散。或濇。亡陰也。六味合生。脈爲主。渴與煩躁同机。而渴輕於躁。渴有喜飲。而又有喜熱冷飲之分。在他證。不喜飲及喜熱飲。則爲真寒假熱。在時疫。喜熱飲。多發斑疹。不喜飲熱在血分。真寒假熱。百不一見也。時疫初起。以渴爲机。括渴甚。則熱甚。渴微。則熱微。在未路。尤以渴爲有餘邪。不渴爲無餘邪也。

口苦

熱邪在中。上二焦則口苦。非特時疫爲然。卽感風寒。口苦亦屬少陽熱證。如時疫當惡寒發熱。表證正盛時。一見口

苦卽於發表諸藥中倍加清熱之品。輕則黃芩。重則知母。再重則石膏。不但三陽表證如此。卽三陰裏證。手足冷。惡寒。嘔利。胸腹滿不渴。證狀似乎純冷無熱。而一兼口苦。卽當於溫燥藥中加利熱之品。如用半夏。蒼朮。草果。厚朴。必加木通。芩澤。甚至加知母。黃芩。本吳氏達原之義。口苦爲熱證的據。每遇證狀模糊。寒熱莫辨。必借此以決之。至舌苔黃黑。乾燥。煩躁。熱渴。閉結。又清下之。不可或緩者矣。

口甘

口苦。口甘。同爲熱證。苦爲燥熱在上。中。二焦。多渴。屬三陽。甘爲溼熱在中。下。二焦。多不渴。屬三陰。蓋脾胃屬土。稼穡。

作甘土邪下涉腎位。水土相蒸。甘味上滲於口。多兼嘔吐。人每誤認胃寒。而用溫中之劑。不知淫熱在於下焦。土能剋水。溫燥太過。腎水告竭。總不見熱渴諸證。惟目不見物。漸至昏沉而死。口甘一證。在諸證初起。猶可用溫燥開導之品。而亦不宜過劑。在時疫必以清熱為主。消痰爲輔。或胸中停飲太甚。亦不過加蒼朮半夏而已。如二陳去甘苴。加薑汁炒山梔。薑汁炒黃連。竹茹。黃芩等類。爲口甘要藥。烏梅更妙。酸能勝甘。蓋五行剋制自然之理也。或四苓散加山梔亦得。然必以時疫之大勢爲用藥之權衡。斯可矣。

唇燥

唇燥者陽明熱也。時疫見此。當辨其色。深赤爲大熱。宜清下。淡白爲少津液。宜滋潤。色如常。爲津液不流通。熱在經脈。宜葛根。

齒燥

時疫齒燥有三。輕淺者爲陽明經熱。前板齒燥。身熱目疼。鼻乾不得臥。此將發斑疹及衄血之先兆。葛根爲主。黃芩知母石膏爲輔。重者爲胃府燥熱。通口皆燥。甚則黑如煤炭。三承氣三黃石膏選用。至重者爲陰火煎熬。亡血太甚。腎水涸竭。當峻補其陰。知母黃柏生地元參天冬麥冬丹皮。每味兩許。大作湯液。加童便金汁。晝夜兼進。若藥輕治

緩則不及矣

鼻孔乾

時疫鼻孔乾有四。風熱則鼻鳴。荆防葛根薄荷爲主。陽明經熱則煩躁。葛根石膏爲主。胃熱府證則大渴。舌黃三黃石膏爲主。少陰津液肺燥。麥冬生地五味爲主。大抵風熱經熱者十之五六。府熱亡液者十之二三。非謂熱深而鼻孔反不乾也。以煩渴大熱症見。則不覺鼻孔之乾與否耳。

耳聾

耳聾者少陽邪熱挾痰上壅也。時疫耳聾者多。蓋邪之傳變出表入裏必于少陽。又時疫屬熱熱至上升挾痰涎濁。

氣上壅。隧道故耳聾也。治法以疫邪大勢為主。見於初起。傳表時。於表藥中加荆防川芎。見於入裏時。於裏藥中加黃芩知母。屢經汗下。耳聾不愈。不可急治。養陰調胃為主。須待粥食如常。二便調勻。始由漸而愈也。

鼻如煙煤

時疫鼻如煙煤者。邪熱燦肺也。由鼻孔乾而來。急當清下。少緩則肺胃枯絕矣。三承氣合白虎。或三黃石膏加青黛。或小陷胸加犀角。或犀角大青湯。視其兼證擇而用之。

鼻孔扇張

鼻孔扇張有三。一痰壅於肺。氣出入有聲。喘欬胸滿不渴。

宜瓜蒌貝母桑皮蘇子瀉肺。肺氣通自愈。○
出入多熱有微表束其鬱熱。古人獨主越婢湯。蓋散其外。
束清其內鬱也。用於時疫中。以葛根易麻黃。或葛根黃芩。
黃連湯亦可。一腎氣虛而上逆氣出入皆微多死。此證必
得之屢經汗下。或兼多汗。心悸耳聾。急宜大劑六味。合生
脉散加牛膝枸杞。或可百救一二。

咽乾

咽乾者邪熱淫於膈上也。在傷寒爲少陽熱證。時疫亦然。
宜黃芩甚則佐以花粉知母。

咽痛

時疫咽痛爲熱淫於肺當視其咽中有結無結無結者微紅以桔梗花粉黃芩元參治之有結者紅腫當加牛蒡赤芍消其腫結甚則起紫泡白泡是爲乳蛾必以針刺去惡血再服清熱之藥方妙時疫中常有急喉風急喉痺二證旦發夕死不可不察也急喉風咽痛而喘乃痰邪夾熱上壅於肺古方用膽礬吐其痰涎惡血或皂角膏吐之治之稍緩則氣閉而死急喉痺卽乳蛾速長閉塞喉嚨亦以刺去惡血爲主甚或用刀大開其膿血此雖見於時疫中必其人平素貪厚味多怒鬱肝火妄動有以致之也

舌燥

胃入心苗腎竅通其本脾脉絡其下時疫舌燥白火炎土燥中官堵截腎水不能上交心火須察其苔之有無與色之深淺施治白苔而燥疫邪在表痰已結於膈上吳氏達原飲加石膏川貝薤仁大黃此吳氏名白砂苔熱極不變黃色下之卽黃不可緩也黃苔而燥疫邪傳胃小承氣小陷胸大柴胡選用醬色苔而燥疫邪入胃深及中下二焦調胃承氣湯黑苔而燥疫邪入胃至深傷及下焦大承氣湯燥成塊裂或生芒刺熱更甚也大承氣倍其分兩大黃須兩許方妙各燥苔下之漸減不卽盡淨爲藥已中病力味到耳當再下之有下至三五次十餘次而後愈者若屢

下而燥苔愈長不可更下。當察其腹中若揉按作响者。痰水結於中。焦脾胃受困。津液不能上潮。改用平胃二陳溫燥之劑。卽愈。又腎陰竭。涸愈下愈凶。其陰燥苔不同。目無神耳聾心悸腰痠。再下必死。宜六味地黃湯合生脉散。至無苔而燥。須辨其色。正赤或深紫。熱歸心。包血分熱。極石膏知母黃連犀角羚羊角牛黃爲主。鮮紅凶陰。二冬生地元參知母阿膠人參爲主。大抵舌無苔則胃無物。可清潤不可攻下。

舌強 附舌痿

時疫舌本強硬爲熱而兼痰。宜清下無疑。須加清痰之藥。

兼白苔者。屬間寒。極其寒。尚燥。佐以牛黃。太柴胡湯。是也。兼黃苔者。已經煎熬。其痰漸燥。佐以川貝。栝蒌。陷胸湯是也。兼黑苔者。熱極。痰亦爲火。佐以牛黃。方效。若無痰。舌色正赤。深紫。裂燥而強者。熱毒蘊於心包也。三黃石膏湯。加犀角。牛黃。急清其熱。舌強雖與舌燥相類。而燥屬胃主熱。強屬心主痰。又舌痿軟而枯小。與舌強硬而不縮有異。乃虛脫已極。大補及滋潤。或百救一二。若屢經汗下。清熱消痰。而舌強者。又當與舌痿同治。

舌卷短

時疫之舌。一見黃苔。便當下。失下則由黃而變醬色。變燥。

變黑變生芒刺。再失下則變卷變短。爲下證至急之際。宜大下。屢下分和緩則不救。

臈滿痛

時疫胸滿而不痛者。爲邪未結。爲無形之氣。稀薄之痰。痛而不滿者。爲病在經絡。有虛有實。有虛實相兼。滿而痛者。爲邪已結。須分痰食血以施治。屬無形之氣者。按之不痛。時疫初起。邪在募原。多有此證。宜達原飲加枳桔木香大腹皮以開豁之。屬稀薄之痰者。時疫二三日。邪在半表半裏。多有此證。宜達原飲加半夏萊菔子。或小柴胡湯加萊菔子。病在經絡。而不滿者。初起屬實。於解表藥中加延

胡烏藥。其經絡之氣。病久。屢經汗下。多。屢於養氣血。藥中。倍當歸。更有虛中夾實者。於解表清裏藥中。加乳香。沒藥。最妙。滿而痛。不可按。邪已結矣。痰結者。牽引串痛。兼嘔。小陷胸湯。大柴胡湯。或二方合用。甚則大陷胸湯。大陷胸圓。食結者。硬痛成塊。不可按。多在心下。宜平胃散。加枳實。蘇子。萊菔子。白芥子。亦有在膈上者。爲危證。當吐之。宜瓜蒂散。此二者。不可便下。須待其轉動。方可下之。蓋結在上焦。屬氣分。下之太急。則氣逆嘔吐。外用按揉之法。爲妙。血結者。不可按。按之軟。脉乳瀇弦。宜於解表清裏藥中。加桃仁。紅花。三七。歸尾。甚則桃仁承氣湯。時疫多實多熱。至

胸膈滿痛。又屬實邪。非虛證。惟是屢經攻下。胸痛更甚者。乃脾腎兩虛。下氣上逆。宜溫理脾胃。以建中鎮安之。甚則導火歸元。納氣歸腎。皆可。然不多見。須消息斟酌。不可輕試。

脇滿痛

脇滿痛與胸滿痛同。而微有不同者。胸滿痛有宿食爲病。脇滿痛無宿食爲病。乃亦有因宿食在胸腹而滿痛及脇者。時疫脇滿痛是痰氣血三者爲病。其中亦有滿而不痛。痛而不滿。滿痛並作之分。其滿而不痛者。募原之邪未經傳變。宜達原飲。兼寒熱往來者。大柴胡湯。痛而不滿者。邪

分補於少陽之經。宜小柴胡湯。滿痛並作者。當分左左右。左屬血。小柴胡去人參。加延胡。歸尾。紅花。桃仁。甚者加莪朮。三稜。三七。五靈脂。右屬痰。與氣痰。大柴胡倍半夏。加牡蠣。萊菔子。甚則白芥子。甘遂。大戟。芫花。氣加青皮。萊菔子。木香。大腹皮。痰與氣痛。皆無常所。而有聚散。痰散。仍有所苦。氣散。則無所苦。若屢經汗下。清利。而脇痛更甚者。虛證也。氣虛必嘔利。養氣爲主。血虛必煩熱。養血爲主。此亦十中一二。脇痛與胸腹痛不同。胸腹譬之衝衢。塞不能久。脇則譬之僻巷。塞則難開。用藥須明此意。時疫脇痛。雖有痰氣血之殊。而總不離乎熱。黃芩是爲主藥。若別有熱證者。黃

連山梔又所必需。他病脇痛有寒有熱不在此例。

腹滿痛

時疫腹滿痛屬宿食。爲邪熱所結者十之七八。屬氣血痰水者十之二三。蓋腹爲胃與小腸之正界。非胸脇少腹之地。可比腹滿而不痛者屬邪在氣分。屬水穀散漫而未燥結。氣分脈多沉或弦。水穀脈滑。氣分通腹皆滿。水穀滿有分界。氣分者厚朴大腹皮青皮陳皮枳桔爲主。水穀者半夏山查麥芽神麴萊菔子枳實爲主。時疫爲熱證。腹滿亦當清熱兼以順氣消食可也。若舌多黃苔雖滿而不痛爲邪已傳胃。宜小承氣湯下之。痛而不滿者屬邪在血分。屬

水。惡。燥。結。他。病。或。有。滿。冷。者。時。疫。總。屬。熱。證。而。可。下。正。
無。硬。處。者。於。清。裏。方。中。加。赤。芍。不。可。按。而。有。硬。處。者。調。胃。
承。氣。湯。滿。痛。兼。作。爲。痞。滿。在。氣。燥。實。在。血。大。實。大。熱。之。證。
大。承。氣。湯。諸。病。腹。滿。痛。或。兼。自。利。當。責。之。寒。冷。時。疫。自。利。
屬。熱。結。旁。流。下。之。則。止。不。可。疑。爲。虛。冷。若。滿。痛。而。喜。燥。喜。
溫。或。惡。寒。手。足。冷。清。利。之。益。甚。或。右。關。遲。緊。此。非。本。病。乃。
因。煩。渴。飲。冷。太。過。或。用。清。涼。太。過。太。早。之。所。致。又。當。以。溫。
燥。爲。主。不。可。執。一。然。此。亦。治。藥。弊。非。治。本。病。也。

少腹滿痛

時。疫。少。腹。滿。痛。爲。邪。熱。結。於。下。焦。下。焦。乃。大。腸。膀。胱。及。厥。

陰分界與中焦異。亦有滿而不痛。痛而不滿。滿痛兼作之
不同。初起滿而不痛者。濕勝氣滯也。枳榔厚朴蒼朮爲要。
藥。痛而不滿者。手不可近。熱傷厥陰血分也。黃芩以清熱。
赤芍歸尾以活血。紫胡以升厥陰之氣。若牽引陰器。及兩
勝夾縫者。加秦艽卽愈。滿痛兼作者。不論初起末後。當視
其前後在前。小水不利。畜水也。四苓猪苓益元等方。選用
在後。大便秘不利。有燥矢也。三承氣選用。小便和而大便秘
黑者。畜血也。抵當湯桃仁承氣湯選用。以大小便之通塞
爲辨固矣。亦當細察其滿痛而有硬塊。不可按者。屬燥矢。
滿痛如鼓。不可按。而却無塊者。屬溺畜。脬中滿痛拒按。而

軟者屬蓄血以此辨之然矣外有時疫來者而不可
痛而不滿喜溫喜按者爲虛證當細詢來路若屢經清下
大過當消息溫補以培養陰陽不可執時疫爲實邪熱證
而不變通也然此亦十中一見耳

右滿痛諸證乃時疫裏證之大端總屬熱邪內陷在風
寒暑溼諸門則寒熱虛實俱有在時疫已經傳變見於
煩渴燥熱既顯之後其爲熱證易辨若見於未經傳變
之先乃疫邪鬱而未發多不渴多不發熱甚有手足反
厥冷者依風寒治則當溫依時疫治則當清毫釐千里
反掌生死當於氣色神脉舌苔五者細察而詳辨之

自利

時疫自利。皆熱證也。其所利之物。與內虛內冷者自別。冷利之色淡白。熱利之色正黃。甚有深黃醬色者。冷利稀黃。熱利稠粘。虛冷利散而不臭。熱利臭而多沫。虛冷易出。熱證努圖。冷利緩熱利暴注下迫而裏急。此辨時疫熱利與諸冷利之大槩也。時疫初起。有手足厥冷。惡寒。嘔吐。腹痛。自利者。生。似太陰寒證。辨其爲疫。只在口中穢氣作黏舌。上白苔粗厚。小便黃。神情煩躁。即可知其非寒中太陰。是時疫發於太陰也。煩躁輕則藿香正氣散。煩躁甚則用達原飲。一二服後。卽見三陽熱證矣。此時若用溫中藥。轉見

四肢逆冷手足青紫而死不可不細察也。時疫初起頭疼發熱而自利。九味羌活湯。傳表太陽少陽合病身熱口苦。咽乾目眩而自利者。黃芩湯。兼嘔加半夏。傳裏舌黃譫妄而自利者。按其心下至少腹有硬痛處。與大承氣湯無硬痛處。小承氣小陷胸大柴胡選用。此在下其熱。不必以結爲主。故雖無硬痛亦主大黃。時疫自利而小便不利腹滿而無硬塊。時作腸鳴者。熱在小腸膀胱而畜水也。四苓散。猪苓湯。益元散。選用。時疫自利受補者少。至屢經清下無表裏證。自利漸至清穀而脉微細者。則六君子湯補中益氣湯理中湯。又所當酌用也。

便血

時疫便血。熱邪深入也。先當辨其血色。鮮紅者。清熱為主。黃芩湯。三黃石膏湯。犀角地黃湯。血色紫黯成塊下者。逐瘀為主。桃仁承氣湯。抵當湯。須按腹脇有痛處。用之。為確。時疫便血。散晦夾涎水者。脾胃虛而臟腑傷也。歸脾補中。八珍可借用。並加烏梅。時疫便血之後。多凶。陰證神昏耳聾。舌無苔而燥。身痛不可轉側之類。皆是生脉六味加阿膠。峻補其陰。然多不救也。

便膿血

時疫便膿血。與便血有燥濕之分。便血屬燥熱。涼潤為主。

便膿血屬淫熱清熱兼分利爲主。時疫初起頭痛發熱便
膿血者。卽古所謂疫痢是也。不必治膿血。但解其表。表解
則便數自減。決不可早施清裏攻下之藥。卽分利清涼亦
所當慎。蓋邪方在表。清裏邪則內陷。深入後極難治。且時
疫一見便膿血。則煩渴之熱勢反緩。蓋熱隨利減也。所以
苦寒之品不可浪用。惟以倉廩湯爲主。詳見夾痢條下。時
疫傳變至半表半裏。便膿血者。柴葛解肌湯加芩澤木通
黃芩。時疫傳變入裏。煩渴譫妄悉具。而便膿血者。黃芩湯
葛根芍藥湯選用。兼裏急後重腹中拒按者。加枳榔大黃。
時疫屢經攻下。而便膿血滑利者。當以養中調氣養血爲

主清熱爲佐。老人虛人亦倣此例。

大便閉

時疫屬溼熱。大便閉者少。間有閉者。乃平素胃陽強盛。冬燥氣也。夫本來陽盛。復受時疫。則溼熱皆變爲燥熱。雖兼表證。未得汗可下。以時疫與傷寒不同。傷寒邪從表入。有表證。未得汗。必不可攻裏。時疫邪從內發。雖有表證。每每發表而不得汗。必待裏氣通而後表始得汗。所以時疫大便一閉。卽有表證。亦當下之。不可逡巡也。若初起未經表散。則當用三消飲下之爲當。有表證尚可下。則煩渴譫妄。舌苔黃黑。燥裂卷短。胸腹硬痛。諸證備見。更當分別輕重。

下之無疑。又有大便閉而屢下不通者。則必有夾邪。當審之。有夾水者。水在腸中。則不下而自利。水在胃脘以上。則脉多弦。多緩。往往。上。嘔。而。不。下。利。且。舌。白。而。心。下。按。之。作。響。雖。用。承。氣。不。能。下。行。故。下。之。不。通。當。先。用。半。夏。茯。苓。蒼。朮。消。其。水。而。後。下。之。亦。有。可。用。大。陷。胸。湯。者。必。胸。上。痛。而。手。不。可。近。方。爲。藥。與。邪。敵。有。夾。氣。者。氣。滯。於。胸。膈。之。間。主。上。逆。而。不。下。降。胸。腹。串。痛。而。脉。沉。當。先。以。蘇。子。萊。菔。子。木。香。枳。櫚。順。其。氣。而。後。下。之。有。氣。虛。而。屢。下。不。通。者。屬。老。人。虛。人。其。脉。必。兼。無。力。其。色。必。悴。其。肌。肉。必。緩。其。神。必。散。若。下。證。全。具。當。與。大。承。氣。加。人。參。一。服。而。宿。垢。頓。下。或。陶。氏。

黃龍湯或麻仁丸參湯下。酌其裏證之多寡用之。有血虛而屢下不通者。屬婦人產後癰疽潰後。或平素陰虛及亡血其脈必兼澹。四物六味生脈及吳氏諸養榮方。麻仁丸選用。仍須蜜煎猪膽汁導之。大凡時疫大便一閉。卽當下之。然須詢其有無所苦。若無所苦下尚可緩。有所苦而下之不通。又須察有無夾邪及虛也。當下者十之五。可緩者十之三。夾邪者十之一耳。時疫如此。他病則不然。古語云。傷寒下不厭遲。時疫下不厭早。誠哉斯言也。

小便不利

時疫初起在表時。頭痛發熱。小便不利者。熱入膀胱也。益

元散主之。四苓散猪苓湯皆可用。東垣云小便不利而渴者熱在上焦。法當淡滲。小便不利而不渴者熱在下焦。法當苦寒。此可爲據。時疫傳裏大便閉而小便不利者當先通大便。大便通小便自利。此惟時疫爲然。他病則否。時疫屢經汗下小便不利者陰竭也。爲難治。知母黃柏生地麥冬之類治之。或生麻六味皆可。然多至少腹如鼓而不救也。凡小便不利日久下關不通必反於上。往往有嘔吐呃逆。涓滴不能下咽。至湯藥不進者當用敷臍法。大田螺一枚搗爛入麝香三釐敷臍上帛束之卽通。一見點滴卽受湯藥。古法有用葱熨及井底泥敷少腹者俱可參用。但不

宜於陰竭之虛人耳

小便黃赤黑

時疫未傳變時小便多如常熱一傳入裏則黃熱甚則赤熱入血分畜血則黑小便可驗裏熱之有無深淺多寡但不可以作專證疫邪在表小便黃卽於解表中加清涼藥邪入裏小便黃赤雖手足逆冷亦當攻裏逐熱疫亦已退表裏俱和小便黃赤未退仍當清利餘邪惟小便黑者當逐瘀清熱爲主犀角地黃湯加大黃等類有屢經汗下清涼太過表裏俱無熱邪而滑瀉腹痛小便黃赤者當理脾升陽爲主亦治藥非治病也

小便多

時疫爲溼熱小便多者甚少傳裏之後或有小便多者乃胃土變爲燥熱也急下之屢經下後小便多者氣虛也益氣升陽爲主亦有腎虛而小便多者六味地黃湯加五味子大抵未下之先小便多者屬燥熱小便必微黃必煩熱渴而喜飲既下之後小便多者屬虛氣虛則不喜飲而寸脈不及尺浮不及沉陰虛則喜飲而尺脈不及寸沉不及浮失治日久則變消渴時疫小便多者如此若夫風寒小便多則屬陽虛不在此例

遺尿

時疫初起遺尿者多屬三陽合病蓋邪入於陽則陽實而陰虛熱盛於表裏爲之不守又神昏於上不自知其下部之出入故遺尿也合之腹滿身重口不仁而面垢譫語仲景獨主白虎湯此證不可下以邪全盛在表在經下之則表邪內陷故額上生汗手足逆冷尤不可汗以邪本屬熱汗之則愈增其熱故心憤憤反作譫語惟以白虎湯清其汗越之熱若別兼燥結硬痛者可於本湯內加大黃下之

囊縮

時疫囊縮乃熱入於厥陰也有結有熱則下有熱無結則清熱退而囊自縱矣陰證囊縮與時疫頗相類以陰證囊

縮必身冷厥逆脉沉時疫囊縮亦身冷厥逆脉沉也然一
寒一熱自有不同陰證囊縮陰莖痙攣或全縮小腹有如
婦人時疫熱厥囊縮陰莖如常再以兼證辨之陰證囊縮
小便清少腹牽引作痛而不喜溫按多自利神清不煩
時疫囊縮小便赤少腹滿而硬痛拒按大便秘煩而神昏
多言

譫語

時疫多言者譫語之漸也疫熱蒸心之所致治同譫語
譫語者熱蒸心也時疫一見譫語即當清熱然有經熱蒸
心而譫語者邪在三陽表證多有之脉浮大頭痛發熱舌

白者是吳氏三消飲最當六神通解散九味羌活湯防風
通聖散白虎湯梔子豉湯皆可選用有膈熱蒸心而譫語
者脉洪身熱汗出不惡寒反惡熱胸中無結者是白虎湯
黃芩湯選用有痰涎搏結其熱聚於中上二焦而譫語者
脉弦滑胸痛及心下痛拒按者是小陷胸湯大柴胡湯選
用有胃熱蒸心而譫語者脉濡實大舌黃及黑及燥及芒
刺腹滿拒按者是三承氣湯選用輕者只用平胃散加山
查麥芽蘿蔔子卽效有熱入血分而畜血血熱蒸心而譫
語者脉沉結或濇心下至少腹片有痛處拒按而軟者是
犀角地黃湯桃仁承氣湯抵當湯選用有熱入小腸膀胱

畜水之熱上蒸心而譫語者脉浮數少腹滿小便不利者是四苓散猪苓湯益元散選用以上皆實證譫語也至若屢經汗下清理二便已清利胸腹無阻滯六脉虛散結代微弱而譫語者陰陽兩虛神無所倚也虛在上焦必心悸神倦生脉散加棗仁天王補心丹虛在中焦必面色痿黃四肢倦怠歸脾湯虛在下焦必耳聾目直視六味地黃湯加遠志五味龍骨茯神

狂

時疫發狂者譫語之甚者也亦疫熱蒸心之所致治同譫語

善忘

時疫善忘者。畜血之所致也。畜血在上焦。其脉芤。胸前及心下必痛。必拒按而軟。犀角地黃湯主之。畜血在中焦。其脉或芤或弦或濇。兩脇及臍上必有痛處。拒按而軟。桃仁承氣湯主之。畜血在下焦。其脉多沉結。臍下必有痛處。拒按而軟。抵當湯主之。善忘雖爲畜血主證。然必驗之大小便。風雖輟。大便反易。其色必黑。小便自利。方爲畜血之的。證。否則仍當參之多言。讎狂諸法治之。

昏沉

時疫昏沉。熱入至深。極險證也。蓋熱初蒸及心之經。則心

神不安多夢。覺醒時自滿。熱心之經漸深。則心神漸煩。多言。所言皆日用常行之事。無糊塗語。蒸及心包。則精神間有昏處。多言間有糊塗語。猶清白語居多。迨蒸心包漸深。則心神昏處居多。言多妄見。妄聞。甚至疑鬼疑神。非人所見聞者。猶省人語也。至熱直入心臟。則沉昏全不省人事。次此熱入淺深之次第。見證輕重之辨也。所以多言讖語。熱之浮淺者。梔芩知膏可解。發狂熱之深結者。硝黃可解。至沉昏熱之至深者。非犀角黃連羚羊角牛黃莫能解也。昏沉雖係熱深。更有夾痰氣夾胃結夾血結之分。胸滿舌白。係夾痰氣。當加川貝瓜蒌半夏萊菔子。於犀運諸藥中。

舌黃及燥黑腹滿硬痛者當加犀連於三承氣湯中痛而軟者畜血加桃仁丹皮赤芍於犀連藥中治昏沉之大法備矣以上皆實證更有虛證亦所當知屢經汗下清利之後表裏無熱胸腹無阻二便自利而神情困倦而漸昏由昏而漸沉乃大虛之危證大劑生脈散加桂附芪朮苓為急救其陰陽亦不逮矣

循衣摸床撮空

時疫循衣摸床撮空者熱盛神昏而四肢實也當察其舌舌苔白或無苔有熱無結也犀角黃連石膏為主舌有燥苔或黃黑燥裂芒刺有熱有結也大黃芒硝為主屢經汗

下後胸脇仍有拒痛者邪未盡也。仍宜清利無拒痛者陰虛而陽亢也。生地麥冬棗仁茯神安神爲主。

多睡

時疫初起多睡兼身重者熱邪阻滯其經脈也。有汗白虎湯。無汗或加麻黃。屢經汗下後表裏熱愈甚。二便俱利而身痛多睡者陰傷也。四物六味生脉三方合用。大劑養陰方效。失治卽危。服此數劑身痛已和。表裏熱退而仍多睡者。於三方中加生棗仁卽愈。若夫平素脾虛多睡多痰嗜睡者。一受疫證必更嗜睡。當於時疫藥中叅之以理脾消痰之品。

身冷

諸病身冷。皆屬陰證。在時疫多屬熱證。須從氣色神脉舌苔中辨其端倪。果係時疫。則當分初中末以治之。不可紊也。時疫初起。往往有身冷。自利腹痛作嘔。全似陰證者。若舌有厚白苔。身有穢氣。心煩多汗。面色油垢。小便黃短。數有一二證現。便是疫邪直入太陰。先裏後表。非真陰寒證。兼嘔利。藿香正氣散。四苓散。無嘔利。達原飲。服一二劑後。卽發熱矣。時疫傳變發熱之後。譫妄昏沉。舌燥腹滿。便秘而身冷者。先表後裏證。三承氣大柴胡選用。無結證者。白虎湯。時疫未路。屢經汗下。表裏無邪。胸腹無滯。二便自和。

而身冷者。當以脉爲主。脉虛細不振者。用藥太過而成脫證也。急宜溫補。少緩卽死。生脉散加芪朮苓芍。平補陰陽。冷甚者。加熟附子。時疫身冷一證。最難下手。初起時若寒熱不辨。且勿妄投湯劑。當少待之。多則一二日。少則半日。多有自行傳變。卽發熱煩渴者。此時則易於用藥。若已經發熱傳變之後。變爲身冷。則自有口燥舌乾。不得臥諸證。在此時藥不可緩緩。則熱深厥深。雖下後厥回。往往凶陰而死。身冷與惡寒不同。而病機頗同。當與惡寒條參看。

呃逆

時疫呃逆與傷寒不同。傷寒呃逆虛實寒熱俱有。時疫呃

逆○惟○熱○結○下○焦○而○已○凡○見○呃○逆○卽○當○下○之○下○之○不○止○按○其○
臍○腹○有○硬○痛○拒○按○處○仍○當○下○之○有○下○至○十○數○次○方○止○者○總○
之○逐○盡○結○熱○腸○胃○通○達○其○呃○自○止○慎○不○可○用○丁○香○柿○蒂○湯○
治○呃○而○遺○結○熱○致○成○危○證○也○

吐○虬

傷○寒○吐○虬○多○寒○熱○錯○雜○時○疫○吐○虬○則○有○熱○無○寒○治○此○證○之○
當○汗○當○清○當○下○一○以○傳○變○之○大○勢○爲○主○惟○加○烏○梅○黃○連○以○
安○之○慎○勿○用○烏○梅○圓○中○諸○辛○熱○藥○致○成○危○篤○也○

廣瘟疫論卷之四

汗法

時疫貴解其邪熱而邪熱必有着落方着落在肌表時非汗則邪無出路故汗法爲治時疫之一大法也但風寒汗不厭早時疫汗不厭遲風寒發汗必兼辛溫辛熱以宣陽時疫發汗必兼辛涼辛寒以救陰風寒發汗治表不犯裏時疫發汗治表必通裏其不同有如此故方疫邪傳變出表時輕者亦可得表藥而汗散若重者雖大劑麻黃羌葛亦無汗也以伏邪發而未盡之故亦有不用表藥而自汗淋漓邪終不解者蓋自汗緣裏熱鬱蒸而出乃邪汗非正

汗也。必待伏邪盡發。表裏全徹。然後或戰汗。或狂汗。而解。所謂汗不厭遲者。此也。辛涼發汗。則人參敗毒散。荆防敗毒散之類是。辛寒發汗。則大青龍丸。羌活大羌活之類是。發表兼通裏。則吳氏三消飲。六神通解散。防風通聖散之類是。更有不求汗而自汗解者。如裏熱閉甚。用大承氣以通其裏。一不已而再。再不已而三。直待裏邪逐盡。表裏自和。多有戰汗而解。此不求汗而自汗解者。一又如裏熱燥甚。病者思得凉水。久而不得。忽得痛飲。飲盡落枕而汗大出。汗出卽解。此不求汗而自汗解者。二又如平素氣虛。屢用汗藥不得汗。後加人參於諸解表藥中。覆盃立汗。此

不求汗而自汗解者三。又如陰虛及奪血枯竭之極。用表藥全然無汗。用大滋陰潤燥生津藥數劑。而汗出如水。此不求汗而自汗解者四。總之疫邪汗法。不專在乎升表。而在乎通其鬱閉。和其陰陽。鬱閉在表。辛涼辛寒以通之。鬱閉在裏。苦寒攻利以通之。陽亢者飲水以濟其陰。陰竭者滋潤以回其燥。氣滯者開導血凝者消瘀。必察其表裏無一毫阻滯。乃汗法之萬全。此時疫汗法理不同於風寒。謹撮諸汗症詳列於左。

發熱 惡寒 無汗 頭項痛 背痛 腰痛 肩背
痛 膝脛痛 周身肢節痛

下法

時疫下法。與傷寒不同。傷寒下不厭遲。時疫下不厭早。傷寒在下其燥結。時疫在下其鬱熱。傷寒裏證當下。必待表證全罷。時疫不論表邪罷與不罷。但兼裏證。卽下。傷寒上焦有邪不可下。必待結在中下二焦方可下。時疫上焦有邪亦可下。若必待結至中下二焦始下。則有下之不通而死者。傷寒一下卽已。仲景承氣諸方多不過三劑。時疫用下藥。至少三劑。多則有一二十劑者。時疫下法有六。結邪在胸上。貝母下之。貝母本非下藥。用至兩許。卽解結。邪在胸及心下。小陷胸下之。結邪在胸脇連心下。大柴胡湯下

之結邪在臍上小承氣湯下之結邪在臍臍及臍下調胃
承氣湯下之痞滿燥實三焦俱結大承氣湯下之此外又
有本質素虛或老人久病或屢汗屢下後下證雖具而不
任峻攻者則麻仁丸蜜煎導法猪膽導法爲妙下法之輕
重緩急總以見證爲主詳列於後

急下證

舌乾 舌卷 舌短 舌生芒刺 舌黑 齒燥 鼻

如烟煤 胸腹滿痛 狂 沉昏 發熱汗多 身冷

呃逆

當下證

舌黃 譏語 善忘 多言 協熱利 頭脹痛 煩

躁

緩下證

舌淡黃苔 微渴 大便閉 小便黃赤 潮熱 齒

燥

以上諸證。緩下者不下。則必漸重。而爲當下證。當下者。緩下。則必加重。而爲急下證。急下者。失下。則雖下之多。不通。而致結熱自下。逆上。脹滿。直至心下。又逆上。透過膈膜。有至胸滿如石。咽喉鋸響。目直視反白。或睛盲瞳散。耳聾。九竅不通。雖有神丹。莫之能救矣。外更有畜血。

蓄水諸下法前已散見諸條茲再詳列以便緝閱

蓄水證

小便不利 大便微利

畜血證

小便自利 大便黑 他若畜水畜血在胸脇不當下者此不贅

清法

時疫爲熱證未有不當清者也其在表宜汗使熱從汗洩汗法亦清法也在裏宜下使熱從下洩下法亦清法也若在表已得汗而熱不退在裏已下而熱不解或本來有熱

無結則惟以寒涼直折以清其熱而已。故清法可濟汗下之。不逮三者之用。可合而亦可分。時疫當清者十之六七。則清法不可不細講也。凡清熱之要在視熱邪之淺深。熱之淺者在營衛。以石膏黃芩爲主。柴胡葛根爲輔。熱之深者在胸膈花粉知母蘗仁梔子豆豉爲主。熱在腸胃者當用下法。不用清法。或下而兼清亦可。熱入心包者黃連犀角羚羊角爲主。熱直入心腹則難救矣。用牛黃麝香可十中救一。須用至錢許。少則無濟。非若小兒驚風諸方每用分許即可有效。當清諸證詳列於左。

熱在營衛證

身熱汗自出 不惡寒反惡熱 身重 頭面項紅腫
周身紅腫 斑疹 鼻孔乾 唇燥 煩躁 遺尿
舌苔白

熱在胸膈證

身熱反減 渴 嘔 欬 咽乾 譫語 多言 胸
前紅腫 舌苔厚白

熱在腸胃證

便血 便膿血 餘悉見下證條中

熱在心包及心證

狂 沉昏 多睡 舌黑

和法

寒熱並用之謂和。補瀉合劑之謂和。表裏雙解之謂和。平其亢厲之謂和。所謂寒熱並用者。因時疫之熱。夾有他邪之寒。故用此法。以和之也。凡方中有黃連與生薑同用。黃芩與半夏同用。石膏與蒼朮同用。知母與草果同用者。皆是所謂補瀉合用者。因時疫之邪氣。實人之正氣虛。故用此法。以和之。凡方中有參芪歸芍。與硝黃枳朴同用者。是所謂表裏雙解者。因疫邪既有表證。復有裏證。故用此法以和之。凡方中有麻葛羌防柴前。與硝黃梔芩。苓澤枳朴合用者。是所謂平其亢厲者。因時疫之大勢已去。而餘邪

未解。故用此法以和之。或用下法而小其劑料。緩其時。或
或用清法而變其湯劑。易爲丸散者。皆是。凡此和法。雖名
爲和。實寓有汗下清補之意。疫邪尤有宜和者。凡熱不清。
用清涼藥不效。卽當察其熱之所附麗。蓋無所附麗之熱。
爲虛而無形之氣。如盛夏炎蒸。遇風雨卽解。故人身之熱。
氣清卽退。有所附麗之熱。爲實而有物。如洪爐柴炭。雖沃
以水。尤有沸騰之憂。必撤去柴炭而熱始退。凡熱之所附
麗。非痰卽滯。非滯卽血。徑清其熱。不去其物。未能有效。必
視其附麗何物。於清熱諸方。加入何藥。效始能捷。此和法
之精微神變者也。宜和之證。詳列於左。

寒熱往來 盜汗 口苦 咽乾 頭眩 舌強 渴
胸脇滿 耳聾 小便黃 嘔吐下利而心下痛
口乾舌燥而惡寒 大小便閉而寒熱 痞滿而悸
二便自利而舌苔 形體瘦損而舌苔 凡此表裏虛
實寒熱相兼者不可枚舉引此數端可以類推其有似
和而實非和證者詳後辨似條

補法

時疫本不當補而有屢經汗下清解不退者必待補而愈
此爲病藥所傷當消息其所傷在陰在陽以施補陰補陽
之法疫邪狂熱證傷陰者多然亦有用藥太過而傷陽者

則補陰補陽又當酌其輕重不可偏廢凡屢經汗下清利而煩熱加甚者當補陰以濟陽所謂寒之不寒責其無水者是六味四物生脉養榮諸方酌用屢經汗下清利熱退而昏倦痞利不止者當補陽所謂養正以却邪者是四君異功生脉六君理中建中附子等方酌用諸證詳後

當補陰證

舌乾無苔 舌黑無苔 耳聾 目直視 目不明

服清涼藥渴不止 服清涼藥煩熱加甚 服攻下藥

舌苔愈長 服攻下藥舌苔芒刺燥裂愈甚 服清涼

藥身熱愈甚 身體枯瘦 用利水藥小便愈不通

腰膝痿軟 周身骨節痛不可移動 多睡

當補陽證

多冷汗 汗出身冷 經日不回 小便清而多 大便
利清軟 嘔吐用清熱開導藥愈甚 自利用清下二
愈甚 痞滿

外此更有四損四不足三復證當補詳見後

四損

大勞大慾大病久病後爲四損氣血兩虛陰陽並竭復受
疫邪正虛則邪入愈深邪深則傳化難出汗下傷正而正
脫補助鬱邪而邪錮多不可治然補瀉兼施間有愈者有

補瀉合用之法。有先補後瀉之法。有先瀉後補之法。凡人
參敗毒散。人參白虎湯。黃龍湯。竹葉石膏湯。皆補瀉合用
之法也。先用補劑。後施汗下。先補後瀉之法也。先用汗下
後施補劑。先瀉後補之法也。當詢病之來路。斟酌施治。尤
當審現在之證。若純見實證。亦不可以疑似之見。誤人大
凡周身俱見大實大熱之證。而一二處微見虛象。則吃緊
照顧其虛。周身俱見虛象。而一二處獨見實證。則吃緊幹
旋其實。此治病之權衡也。若夫汗之而表證愈增。如頭痛
身痛更甚之類。清下而裏證愈增。如煩渴痞滿更甚之類。
則大虛有盛候也。急宜補之。毋疑。既辨其證。尤當細辨其

脉凡遇脉之浮候盛大者須謹察其沉候有無力處六部脉皆盛者須謹察其一部有獨無力處果得其一部一候之真無加便可畧其諸部諸候之假有餘從而施治有獨見若神之妙夫既詢得其來路之大槩又察得其輕重之確憑再加之脉理精詳則燭照無遺矣其損證之狀甚多當參後四不足條看

四不足

四損由人事四不足由天稟四損在暫時四不足在平素然四不足亦有由四損而來者不可以四損之外便無不足四不足者氣血陰陽也氣不足者少氣不足以息語言

難出也。感邪雖重，反不成脹滿痞塞。凡遇此症，縱宜宣伐，必以養氣為主。血不足者，面色痿黃，唇口刮白也。感邪雖重，面目反無陽色，縱宜攻利，必以養血為主。陽不足者，或四肢厥逆，或肌體惡寒，恒多泄瀉，至夜益甚，或口鼻冷氣，受邪雖重，反無發熱，苔刺燥渴。凡遇此等證，縱欲攻利，清熱必先之以溫補，待其虛回，實證全見，然後以治實之法治之。陰不足者，自然五液枯乾，肌膚甲錯，感邪雖重，應汗無汗，應厥不厥。遇此等證，縱宜攻利，必先之以養陰，待其氣化津回，邪多不治自退。設有未退，酌用清利，攻利若早，其病益甚。以上四不足，合前條四損總不可正治其邪，必

以養正爲要。先服養正藥。待其實證悉見。方可攻邪。若服攻邪藥。虛證復見。仍當調補其虛。養正以和邪。祛邪以安正。互相加減。迭爲進退。直待邪盡去而止。不傷方爲善治。

三復

三復者。勞復食復自復也。勞復者。大病後因勞碌而復也。不必大費氣力。卽梳洗沐浴。亦能致復。復則復熱。諸證復起。惟脉不沉實爲辨。輕者靜養自愈。重者必大補以調其營衛。和其臟腑。待其表裏融和方愈。誤用攻下清涼。必致不救。安神養血湯主之。若因飯食過多而復者。舌苔必復黃。輕則損穀自愈。重則消導始愈。若無故自復者。乃伏邪。

未盡也。當問從前所見何證。服何藥而解。今仍用前藥以
滌其餘邪。則愈。時疫復證有復至再三。者。屢復之後。必兼
四損。四不足證。宜參前條加減進退之法治之。

辨似

凡病皆以虛實寒熱四字爲大綱。時疫何獨不然。但虛實
寒熱之真者易辨。似者難辨。前所列時疫表裏諸證。皆實
邪熱邪。而實熱中亦有虛寒。四損四不足皆虛邪寒邪。而
虛寒中亦有實熱。余於逐條下已細辨之矣。然有實證似
虛。虛證似實。熱證似寒。寒證似熱。尤不可不細辨。故復通
論而詳述之。所謂實證似虛者。卽以表證論之。頭痛發熱。

邪在表也。其脉當浮。證當無汗。而反自汗。脉無力。用發表藥。而身反疼痛。則似虛矣。故人惑於冬自汗。而誤用桂枝湯者有之。惑於脉無力。而引仲景太陽篇發熱惡寒。脉微弱爲無陽。而誤用建中湯者有之。惑於身疼痛。而引仲景若不瘥。身體疼痛。當溫其裏。誤用四逆湯者有之。不知此等證在時疫中。皆在表實證之似虛者也。其自汗者。發熱自裏蒸出於表。非表虛也。其脉無力者。熱主散漫。散漫則脉軟。非比寒主收斂而脉緊也。身體反疼者。伏邪自裏而漸出於表。非比陽虛不任發表也。此表證之實證。似虛者也。又以半表半裏論之。寒熱往來。胸脇滿。邪在半表半裏。

也。其脉當弦。其口當渴。而有脉反沉。口不渴者。則似寒。有
故人惑於脉沉。而以胸脇滿爲太陰。口不渴爲內寒。而誤
用理中者有之。不知此證在時疫中。皆半表半裏熱證之
似寒者也。其脉沉者。邪伏在募原而未出表。故脉不浮。非
陽虛也。其不渴者。邪未傳變。未入胃府。故不能消水。非內
寒也。此半表半裏之似寒者也。又以裏證論之。口燥咽乾
不得臥。邪在裏也。其脉當滑。其身當熱。其便當結。按滑當
云滑者。陰氣有餘也。主痰飲宿食吐逆諸證。洪爲氣血壅
灼之候。主煩主咽乾。表裏俱熱。二便瀉傷寒陽明經病。
而脉反沉微瀼弱。身反四逆厥冷。大便自利。則全似虛冷
矣。人惑於脉之沉微弱瀼。而用參芪者有之。惑於厥逆而

用桂附者有之。惑於自利。而用參朮乾薑者有之。不知此等證在時疫。皆裏熱之似寒也。裏實之似虛也。其脈沉微弱。潛者。乃邪熱結於腸胃。氣不達於營衛也。其身反厥冷者。邪熱結於裏。結於下。氣不達於外。通於上也。其自利者。乃熱結旁流也。此裏證之實證。似虛熱。證似寒者也。總之時疫爲熱。因與風寒之寒。因大異。故脈證雖有似虛似寒之時。而一辨其爲時疫。則屬邪自外至。邪氣盛則實。大都反見虛寒假象。明眼人不當爲所惑也。所謂虛證似實者。卽以表證論之。頭痛發熱。身疼痛。自汗。脈浮大。邪在表也。而屢用表散清涼藥。不憊不減。其證轉甚者。非藥力之不

到乃正氣不能傳藥力達表陰液不能隨陽氣作汗也此邪在表時虛證之似實者也氣虛者加參芪於表藥卽汗陰虛者加潤劑於表藥卽汗若不知其氣血之兩虧而宣表不已勢必暴厥而成脫證矣更以半表半裏論之胸脇痛耳聾嘔吐如瘧狀脉弦邪在半表半裏也而屢用和解消導藥不惟不減其證更加者非藥力之不到乃中焦脾胃傷而氣不運肝木傷而火燥逆也此疫邪在半表半裏時虛證之似實者也必合四君六君於和解藥中合四物於清解藥中始能戰汗而解若更消導清解不已必至胃氣絕而死更以裏證論之舌苔黃黑裂燥芒刺胸腹脇臍

硬痛大小便閉六腑數大邪在裏也。而屢用攻利藥。或總不得利。或利後更甚。非藥力之不峻。乃正氣不能傳送。腸胃血液不能滋潤。腸胃也。氣虛者助氣以資傳送。血枯者養陰以藉濡滑。氣行津化。方得通利。此疫邪傳裏時虛證之似實者也。若不知其虧竭而恣意攻利。必昏沉痿頓而死。總之藥不中病。則傷正氣。傷其下則正氣浮越而上逆。傷其中則正氣解散而外張。脈證雖有似實似熱之時。而一詢其來路。若治之太過。則屬氣從內奪。正氣奪則虛明。眼人不當爲所惑也。夫一證而虛實互異。用藥稍訛。而生死攸分。將以何者爲辨證之把柄乎。曰以開卷所列氣色。

神脉舌苔辨其是疫與非疫以曾經誤治與未經誤治辨其時疫之爲實爲虛則得其大綱更細玩前所列各證條分縷析之詳則得其細目則似是而非之證斷不能惑矣余於前各條下每證已細辨其虛實而此復重言以通論之者正以前散見於諸條恐讀者畧過故復總論以提撕其爲吃緊處也至若寒證似熱則傷寒諸證有之時疫絕無故不論及云

遺證 漏病後不表裏證

發腫

時疫大勢已平寒熱已解而面目肢體浮腫有食滯中宮

水停心下氣復未歸三種當分別以施治食滯中宮者乃
病後脾胃大虛不能消穀病者胃中枯燥偏欲多食食停
心下臍上則水不得上輸於肺肺亦不能通調水道下輸膀
胱故溢於肢體而爲浮腫其證以心下臍上有硬處按之
則痛爲異小便或利或不利當用平胃散加枳實山查麥
芽萊菔子青皮神曲爲主硬處消則腫自愈或加苓澤兼
利水亦可水停心下者乃脾虛不能消水也與食滯異者
心腹無硬痛小便不利也用苓澤車前木通之類利其小
便而愈氣復未歸者吳又可所謂病後氣復血未復氣無
所歸故作腫也不可治腫調其飲食節其勞役靜養自愈

其異於停水食滯者水停身重小便不利氣腫身輕小便自利食滯腹中有結氣腫腹中自和也

發頤

時疫愈後有發頤者乃餘熱留於營血也治以解毒清熱活血疎散爲主誤則成膿不出而牙關不開咽喉不利多不能食而死毒內陷而復舌燥神昏亦死出膿後氣虛血脫亦死故宜早治也古方以普濟消毒飲爲主發在耳後以柴胡川芎爲君在項下以葛根爲君在項後或顛頂加羌防此證不可輕補於未潰之先補早必成膿尤不可純用寒涼於將發之際恐閉遏而毒不得發故必兼疎散爲

要外治以葱水時時浴之。

發瘡

時疫愈後發瘡者極多。餘熱淫於肌肉也。多服清涼養氣血藥自愈。

發痿

時疫愈後四肢不能動移者熱傷筋脉也。吳氏諸養榮湯酌用。輕者粥食調理自愈。

索澤

時疫愈後身體枯瘦。皮膚甲錯者熱傷其陰也。養陰爲主。吳氏諸養榮湯酌用。亦有粥食調理自回者。

發熱

時疫愈後有發骨蒸如勞瘵者乃餘熱留於陰分也不可
以其羸瘦而遽用虛損門治法必察其六府有結邪則仍
攻其邪爲主。次察其經絡有壅滯則仍通其壅滯爲主。次
察其氣道有痰涎則仍利其痰涎爲主。數者俱無然後以
清熱爲主。或無邪而陰傷方可純用養陰之藥。或分其餘
邪之輕重虧損之多少而兼用養陰清熱藥進退加減以
和之更妙。

婦人

婦人時疫悉與男子同。惟當經期則治法畧異。以其關乎

血室也。凡遇感疫值經期者。治法必兼少陽。以少陽與厥陰爲表裏。厥陰爲血室。血室一動。邪必乘虛而犯之。須分適來因受病而止。適來受病而自行。適斷而受病三種。則虛實自見。凡經水適來而受疫氣遽止者。必有瘀血。要再察其脇腹少腹有牽引作痛拒按者。必以清熱消瘀爲主。小柴胡加赤芍。延胡。桃仁。歸尾。丹皮。凡經水適來而受疫氣。疫病雖發而經水照常自行者。不必治其經血。但治其疫邪而病自愈。蓋病本未犯血室。故經血自行如常也。仲景所謂勿犯胃氣及上二焦。必自愈者。正指此。非謂總不用藥也。凡經水適斷而受邪者。經行已盡。則血海空虛。邪

必乘虛而陷入血海。若見腰脇及少腹滿痛者，大柴胡湯加桃仁赤芍，逐其血室之邪。如愈，凡婦人受疫，但見晝日明了，至夜譫語，卽當詢其經期，以防熱入血室之漸。

妊娠

妊娠感時疫，須治之於早。則熱不深入而傷胎。當汗當清之，當瀉速治，不待言。當下之證尤不可遲。若因妊娠忌下傷胎之說，因循畧遲，則胎受熱蒸而反易墮。一見裏證速下其熱，其胎反安。然無事蓋有病則病受之，內經所謂有故無殞者，於此見之。此歷驗不誣者。妊娠受疫當下失下，至於舌黑腰痛，少腹下墜至急，則其胎多死腹中，自欲隨

矣。此時下亦墮不下亦墮。然下之胎墮。母猶可救。十中二三不下。則母無生理。胎亦不能獨存。同一墮胎。而此善於彼。當明言於病家。而後施治。下藥雖三。承氣皆可用。惟芒硝當慎。以其專主傷胎。非大實大熱大燥不可試也。

小兒

小兒受時疫。悉與大人同。而時見驚搐。類於驚風。誤治多死。用大人治疫清解諸法。減小劑料以治之。則愈。小兒不能言。遇當下症。既不知其讞妄。復難驗其舌苔。則當驗其唇。唇赤而燥。卽是下證。此幼科之要訣也。

廣瘟疫論方目

大青龍湯

六神通解散

九味羌活湯

萎蕤湯

大羌活湯

人參敗毒散

吳氏達原飲

小柴胡湯

炙甘草湯

柴胡四物湯

參胡三白湯

清脾飲

大承氣湯

小承氣湯

調胃承氣湯

人參白虎湯

黃龍湯

六味地黃湯

生脉散

四物湯

越婢湯

陽旦湯

黃芩湯

梔子豉湯

黃連解毒湯

小陷胸湯

導赤瀉心湯

猪苓湯

天水散

益元散

柴葛解肌湯

吳氏三消飲

六君子湯

歸脾湯

清燥湯

大柴胡湯

吳氏清燥養榮湯

補中益氣湯

三黃石膏湯

防風通聖散

逍遙散

瓜蒂散

葛根葱白湯

平胃散

吳氏承氣養榮湯

涼膈散

四苓散

桃仁承氣湯

茵陳蒿湯

吳氏舉斑湯

犀角地黄湯

三黃瀉心湯

藿香正氣散

橘皮半夏湯

竹葉石膏湯

大半夏湯

理中湯

十棗湯

二陳湯

白虎湯

白虎加蒼朮湯

白虎舉斑湯

大陷胸湯

大陷胸圓

抵當湯

八珍湯

葛根苓連湯

麻仁丸

天王補心丹

荊防敗毒散

倉廩湯

四君子湯

異功散

附子湯

吳氏安神養血湯

建中湯

普濟消毒飲

吳氏芩貝養榮湯

吳氏柴胡養榮湯

吳氏柴胡清燥湯

吳氏人參養榮湯

吳氏參附養榮湯

犀角大青湯

柴葛五苓散

附方

升麻葛根湯 治寒暄時人多疾疫

以麻葛根 未出 吳氏 加黃連

頭痛加川芎白芷 身痛皆桂枝湯法治風 熱又連黃加

胡黃芩治風 黃加黃芩石膏 頸面腫加防風荆芥連翹白芷

身重加石膏 咽痛加桔梗 斑出不透加紫草 紅頭加人參

廣瘟疫論方

大青龍湯

治服此藥後熱退身涼者身疼痛者汗出而煩躁者主之 汗出而風者不可服之而服逆而性肉麻者為逆之 無少陰者可服之

麻黃

桂枝

杏仁

石膏

甘草炙

加薑棗煎

此方寒者不可服之

六神通解散

一法有川連羌活細辛 治症重者煩躁多汗者不可服

麻黃一錢

甘草一錢

黃芩二錢

蒼木二錢

石膏一錢半

滑石一錢半

豆豉十粒

此方解之法

加葱薑煎

此方表裏俱實者不可服之

九味羌活湯

治傷風濕骨痛者 治無煩躁者 治項痛者 治脊強者 治汗出者 治惡寒者 治口苦者 治舌乾者 治小便不利者

羌活一錢半 防風一錢半 細辛五分 蒼朮二錢半

白芷一錢 川芎一錢 黃芩一錢 生地一錢

甘草一錢

加生薑葱白煎

姜蕪湯 方有乾薑無菊花 涼解之法

姜蕪二錢半 麻黃五分 白薇五分 青木香五分

羌活五分 杏仁五分 川芎五分 甘草五分

石膏一錢半 菊花一錢半

白水煎

大羌活湯 涼解之法

羌活

防風

細辛

蒼木

白朮

川芎

黃芩

生地

甘草

防已

知母

獨活

黃連

白水煎

人參敗毒散

涼解之法

人參

茯苓

甘草

枳殼

桔梗

柴胡

前胡

羌活

獨活

川芎

薄荷

口乾舌燥加黃芩
屑并加神散

加生薑煎

此方涼散汗多

吳氏達原飲

初起時疫

檳榔二錢

厚朴一錢

草果仁五分 知母一錢

黃芩一錢

芍藥一錢

甘草五分

白朮煎

小柴胡湯

治時疫

柴胡

黃芩

人參

半夏

甘草

加生薑大棗煎

炙甘草湯

治時疫

人參

甘草炙

桂枝

阿膠 蛤粉炒一

麥冬

生地

大麻仁

加生薑大棗水酒各半煎

柴胡四物湯

黃芩 芍藥

柴胡

半夏

人參

黃芩

甘草

當歸

川芎

白芍

生地

加薑棗煎

參胡三白湯

黃芩 芍藥

人參

一錢半

白朮

一錢半

柴胡二錢

白芍

一錢半

白茯苓

一錢半

白水煎若脉微弱口渴心煩加麥冬五味子若煩口
苦心下痞加黃連枳實若不眠加竹茹

清脾飲

青皮

柴胡

厚朴

黃芩

半夏

甘草

茯苓

白朮

草果

加生薑煎

大承氣湯

大黃

四錢酒洗

芒硝二錢

厚朴二錢

枳實一錢

白水煎

小承氣湯

大黃 四錢

厚朴 一錢

枳實 一錢

白水煎

調胃承氣湯

大黃 三錢 酒洗 芒硝 二錢

甘草 一錢

白水煎

人參白虎湯

石膏

知母

甘草

人參

加粳米煎

黃龍湯

大黃三錢

芒硝二錢

厚朴

一錢半枳實一錢

甘草二錢

人參

一錢半當歸二錢

加生薑五片大棗一枚煎

六味地黃湯

熟地

山藥

山黃肉

茯苓

丹皮

澤瀉

新汲井水煎

生脉散

人參

麥冬

五味子

白水煎

四物湯

川芎

當歸

白芍

熟地

新汲井水煎

越婢湯

麻黃

石膏

甘草

加生薑大棗煎

陽旦湯

桂枝

芍藥

甘草

黃芩

加生薑大棗煎

黃芩湯

黃芩

芍藥

甘草

加大棗煎

梔子豉湯

梔子

香豉

先煮梔子後入香豉白水煎

黃連解毒湯

黃連

黃柏

黃芩

梔子等分

白水煎

小陷胸湯

黃連

半夏

栝蒌實

先煎栝實後內一味白水煎

導赤瀉心湯

黃連酒洗

黃芩酒洗

山梔薑汁炒滑石飛

知母

鹽酒拌

犀角鎊

甘草生

人參

麥冬去心

茯苓各一錢

加燈心生薑大棗煎

猪苓湯

猪苓

茯苓

澤瀉

阿膠

滑石各一兩

白水煎

天水散

加硃砂名益元散

滑石 六錢

甘草 一錢

研細末井水或燈心湯調

柴葛解肌湯

槩法加石膏一錢

柴胡

葛根

甘草

黃芩

芍藥

羌活

白芷

桔梗

加薑棗煎

吳氏三消飲

枳櫚

厚朴

草果

知母

葛根

芍藥

甘草

羌活

黃芩

柴胡

大黃

加薑棗煎

水為君要圖裡五

六君子湯

人參

白朮

茯苓

炙草

陳皮

土夏

加薑棗煎

歸脾湯

一方無白芍

人參

白朮

黃芪

扶神

棗仁

遠志

永香

當歸

白芍

炙甘草

經方卷之四

加桂園肉薑棗煎

精燥湯

蒼朮 一錢 炒白朮 五分 炒黃芪 一錢半 人參 三分

茯苓 三分 黃連 一分 炒黃柏 二分 酒甘草 二分

陳皮 五分 猪苓 二分 澤瀉 五分 升麻 二分

柴胡 一分 五味子 九枚 神麴 分 炒麥冬 二分

當歸 二分 酒洗 生地黃 二分

白水煎

大柴胡湯

柴胡 一錢 大黃 二錢 枳實 一錢 黃芩 一錢

半夏一錢 白芍一錢

加生薑三錢大棗一錢煎

吳氏清燥養榮湯

知母 天花粉 當歸身 白芍

甘草 生地汁 陳皮

加燈心煎

補中益氣湯

人參 白朮 黃芪 蜜炙 炙草

陳皮 當歸 升麻 蜜炙 柴胡 蜜炙

加黃蘗煎

三黃石膏湯

黃柏

黃芩

黃連

梔子

淡豆豉

麻黃

石膏

加生薑大棗細茶煎熱服

防風通聖散

又名雙解散

防風

大黃

當歸

芍藥

芒硝

荆芥

麻黃

梔子

連翹

甘草

桔梗

石膏

滑石

薄荷

黃芩

白朮

川芎

加生薑葱白煎此方表裏通利

逍遙散

柴胡

當歸

白芍

白朮

茯苓

甘草

薄荷

加煨薑煎

瓜蒂散

甜瓜蒂

炒黃

赤小豆

共為末熱水或蘆水調量虛實服或用搗鼻

葛根葱白湯

葛根

芍藥

知母

川芎

加葱白生薑煎

平胃散

蒼朮

厚朴

陳皮

甘草

加薑棗煎

吳氏承氣養榮湯

知母

當歸

芍藥

生地黃

大黃

枳實

厚朴

加薑煎

涼膈散

芒硝

大黃酒浸

山梔

連翹

黃芩

酒炒

甘草

薄荷

加竹葉蜜煎

四苓散

吳氏有陳皮無白朮亦名四苓散

茯苓

猪苓

澤瀉

白朮

白水煎

桃仁承氣湯

大黃

芒硝

甘草

桃仁

桂枝

白水煎

茵陳蒿湯

茵陳

大黃

梔子

白水煎

吳氏舉斑湯

白芍一錢

當歸一錢

升麻五分

白芷七分

柴胡七分

穿山甲二錢
炙黃

加薑煎

犀角地黄湯

犀角

生地

丹皮

芍藥

白水煎

三黃瀉心湯

湯液論有黃芩

保命集有甘草

大黃

川黃連

以麻沸湯漬之須臾絞去滓溫服

藿香正氣散

大腹皮

紫蘇

藿香

甘草

桔梗

陳皮

茯苓

蒼朮

厚朴

半夏麴

白芷

加薑棗

橘皮半夏湯

陳皮

半夏

加生薑煎

竹葉石膏湯

人參

半夏

麥冬

甘草

竹葉

石膏

加粳米生薑煎

大半夏湯

半夏

人參

白蜜

以水和藥蜜揚之二百四十遍再煎

理中湯

人參

白朮

炒乾薑

炙甘草

白水煎

十棗湯

芫花熬

甘遂

大戟等分

大棗十枚煮湯內藥末強人服一錢七

二陳湯

陳皮

半夏

茯苓

甘草

白虎湯

石膏

知母

甘草

加粳米

白虎加蒼朮湯

卽白虎湯加蒼朮

白虎舉斑湯

石膏

知母

甘草

人參

白水煎

大陷胸湯

大黃二兩

芒硝一升

甘遂

一錢為末

先煮大黃去滓內芒硝煮一二沸內甘遂末溫服

大陷胸圓

大黃八兩

芒硝

葶藶

炒

杏仁

去皮尖各半升

合研取彈大一丸別搗甘遂末一錢白蜜二合煮服

水蛭三十猪脂熬黑 蠱蟲三十去頭足翅 桃仁三十去皮尖研 大黃四兩

白水煎

八珍湯

人參

茯苓

當歸

熟地

白朮

甘草

白芍

川芎

加薑棗煎

葛根苓連湯

葛根

黃連

黃芩

甘草

白水煎

麻仁丸

麻仁 二升

芍藥 半斤

大黃 一斤

枳實 一

厚朴 一尺

去皮

杏仁 一升

去皮尖熬別作脂

煉蜜丸

天王補心丹

一方有石菖蒲四錢無五味子一方有甘草

生地

四兩酒洗

人參 五錢

元參 五錢

炒

丹參 五錢

炒

茯神 五錢

桔梗 五錢

遠志 五錢

去心炒

棗仁 一兩

炒

五朮 一兩

天冬 一兩

去心炒

麥冬 一兩

去心炒

當歸 一兩

酒洗

柏子仁 一兩

去油炒

蜜丸 硃砂為衣 燈心湯下

荊芥

防風

柴胡

羌活

獨活

前胡

川芎

枳殼

人參

甘草

桔梗

茯苓等分

加薄荷葉煎此身涼茶以之

倉廩湯

腹痛

人參

茯苓

甘草

前胡

柴胡

羌活

獨活

桔梗

枳殼

川芎

加陳倉米生薑煎

四君子湯

人參

白朮

茯苓

炙甘草

加薑棗煎

異功散

人參

白朮

茯苓

炙甘草

陳皮

加薑棗煎

附子湯

附子

白朮

白茯苓

白芍

人參

白水煎

吳氏安神養血湯

茯神

棗仁

當歸

遠志

桔梗

芍藥

地黃

甘草

加龍眼肉煎

建中湯 此小建中湯

桂枝

芍藥

甘草

加生薑大棗飴糖煎

普濟消毒飲

黃芩

黃連

人參

橘紅

元參

生甘草

桔梗

柴胡

薄荷

連翹

鼠黏子

板藍根

馬尾勃

白殭蠶

升麻

白水煎

吳氏萸貝養榮湯

知母

花粉

貝母

枯蕒實

橘紅

白芍

當歸

白水煎

吳氏柴胡養榮湯

柴胡

黃芩

陳皮

甘草

花粉

當歸

白芍

生地

知母

加生薑大棗煎

吳氏柴胡清燥湯

柴胡

黃芩

陳皮

甘草

花粉

知母

加生薑大棗煎

吳氏人參養榮湯

人參

麥冬

遼五味

地黃

歸身

白芍

知母

陳皮

甘草

白水煎

吳氏參附養榮湯

當歸

一錢

白芍

一錢

生地

三錢

人參

一錢

附子

七分炮

乾薑

一錢

白水煎

犀角大青湯

犀角

上

大青

中

元參

中

甘草

下

升麻

中

黃連

中

黃芩

中

黃柏

下

山梔

中

水二鍾煎一鍾

柴葛五苓散

時疫並痢見少陽明証者服之

柴胡

葛根

茯苓

澤瀉

猪苓

白朮

桂枝

金匱竹葉湯

原治虛火中風發熱面赤喘而頭痛

竹葉

葛根

防風

桂枝

桂枝

人參

甘草

炮附

生薑

紅棗

臣加半夏

此方用竹葉葛根桂枝防風桔梗解外之風熱也

竹葉固裡之脫甘草姜辛以調陰陽之氣而使其平乃

表裡並濟之法凡風熱外淫而裡氣不固者宜于此

劉子原虛用之多故

我們無處不得行瘟疫

蘇軾詩集卷之六

子神湯

此散膏時流及甘膏并麻黃根末為
麻黃 苦 白芷 加

大平神木散 治風痺氣一身疼痛等症此散面腫大瘡癰時毒

卷之六